

Message Two

Lăking mătut hkrum ai asak hkrung lam

Htina chyumdaw: Yhn.15:1,4, Rom.11:17-24, 1Ko.6:17.

- I. **Hkristu hta kamsham ai ni hku nna anhtē gaw lăking mătut hkrum ai asak hkrung lam – Mădu Kărai hte anhtē wēnyi lăngai sha byin nna, Mădu hte arau hkrung ai gum hpawng ai lam nga ai asak hkrung lam hpe asak hkrung ging nga ai – 1Ko.6:17, Yhn.15:4.**
- II. **Chyum laika gaw Kărai Kăsang măsha hte rau lu la măyu ai mătut mähkai lam gaw, Mădu hte măsha gaw lăngai sha byin wa na mătu nan rai nga ai lam hpaw hpyan da ai- 1Ko.6:17.**
 - A. Kărai Kăsang gaw Kărai asak hte măsha asak rau hkrung ai gumhpawn mătut mähkai nna asak lăngai sha byin wa na ra shărawng nga ai- Yhn.15:1, 4-5.
 - B. Ndai lăngai sha byin ai lam gaw hkrung ai gum hpawn lam, asak hta gum hpawn ai lam – lăking mătut hkrum ai asak hkrung lam rai nga ai.
 - C. Kărai asak hte măsha asak gaw lăngai sha rai nga ai de a lăking mătut hkrum ai lam a hkam la ai lam gaw sung htum ai rai nna, rudi hkam la ai lam hta grau lai nhtawm, shinggyim myit sawn ai lam hte nbung ai rai nga ai.
- III. **Lăking mătut ai lam hta bung ai asak lăhkawng gaw gum hpawn mătut mähkai nna, dai h pang rau sha gălu kăba wa ai lam rai nga ai – Rom.11:17-24.**
 - A. Lăking mătut ai lam gaw lăking mătut na asak lăhkawng yan bung ai rai yang she akyu ara lu na rai nga ai.
 - B. Anhtē a shinggyim asak gaw Kărai Kăsang a hkrang nsam hta Kărai Kăsang a asam hte bung ai hku nan gălaw da hkrum ai măjaw, dai gaw Kărai asak hte gum hpawn mătut mähkai lu ai lam rai nga ai.
 - C. Anhtē a shinggyim asak gaw Kărai hte seng ai asak hte bung nga ai. Dai măjaw Kărai asak hte shinggyim asak gaw lăking mătut mähkai lu nna, asak hte seng ai lam hta arau gălu kăba wa lu ai rai nga ai.
- IV. **Anhtē gaw Hkristu a kăta de lăking mătut hkrum lu na mătu Mădu gaw shinggyim rudi hkam ai lam, si hkam ai hte bai hkrung rawt ai măbyin ni hpe lai di wu ai.**
 - A. Hkristu gaw Dawi a aru arat (nli), Dawi a lăkung lăking, măkrung byin na mătu hkum shan byin wa wu ai. Shing rai yang she anhtē gaw Mădu hte arau lăking mătut hkrum lu na rai nga ai. Mădu gaw anhtē zawn nan byin wa ai rai nga ai, shing rai yang she Mădu hte anhtē gaw arau sha lăking mătut hkrum lu na rai nga ai- Yhn.1:14, Mat.1:1, Zeh.3:8, Yer.23:5, 3315.
 - B. Hkristu gaw wudang ntsa (dan di) hkrum wu ai, shing rai yang she anhtē gaw Mădu a kăta de lăking mătut hkrum ai lam nga lu na rai nga ai.
 1. Hkristu gaw Dawi a lakung lăking byin wa ai lam hta Mădu anhtē hte arau gum hpawn lu sai ngu nna tsun măyu ai nrai nga ai.
 2. Lăking mătut ai lam gaw dan di hkrum ra nga ai. Lăking lăhkawng yan gaw dan di da ai lam nnga ai rai yang lăking mătut ai lam n-nga lu ai.
 - a. Hkristu gaw wudang ntsa Mădu shi si hkam ai shăloi dan di hkrum wu ai.
 - b. Anhtē gaw myit mălai lu nna Mădu Kărai hpe hkap la ai shăloi dan di ai hkrum ga ai.
 3. Dan di hkrum ngut ai h pang gum hpawn mătut mähkai ai lam hte asak hte seng ai gum hpawn lam gaw byin pru wa ai. Dai măjaw lăking mătut ai lam hta anhtē gaw dan di hkrum ai lam, gum hpawn mătut mähkai ai lam, asak hte seng ai gum hpawn ai lam ni hpe lu la ga ai.
 - C. Hkristu gaw wudang ntsa dan di hkrum ngut ai h pang Mădu gaw asak jaw ai Wēnyi byin wa na mătu hkrung rawt wu ai -1Ko.15:45b, 2Ko.3:17a.
 1. Dai zawn re ai Wēnyi byin wa ai a jaw ē Hkristu gaw lăking mătut na mătu jin jin rai na rai nga ai.

2. Anhtē gaw myit mālai lu nna Mădu Kărai hpe hkap la dat ai hte Mădu gaw asak jaw ai Wēnyi hku nna anhtē a wēnyi kăta de du shang wa let, Kărai asak hpe anhtē a kăta de la sa wa ya nna anhtē gaw Hkristu hte arau lăking mătut hkrum ga ai -Yhn.20:22, Rom.8:11.
 - a. Ndai asak gaw si lam hte hkrung rawt ai a asak rai nga ai.
 - b. Asak jaw ai Wēnyi hku nna Hkristu gaw si lam hte hkrung rawt ai de mădung zaw si hpe anhtē kamsham ai ni a kăta de la sa wa ya nna, dai hku nna anhtē gaw Mădu hte rau si hkam nna bai hkrung rawt ai lam nga lu na rai nga ai -Gal.2:20.
 - c. Ndai si lam hte bai hkrung rawt ai lam hta anhtē gaw Hkristu hte arau lăking mătut hkrum ga ai.

V. Ningnan shăngai hkrum ai ni hku nna anhtē gaw lăking mătut ai asak hkrung lam – sak hkrung gălu kăba wa na mătu wuhpung lăhkawng gaw arau sha gumhpawn ai asak hkrung lam – hpe asak hkrung ra ai- Yhn.15:1, 4-5.

- A. Anhtē gaw Hkristu a kăta de lăking mătut hkrum ngut ai hfang anhtē tinang dinghkrui hku nna asak nmai hkrung sai. De mālai Pneumatic Hkristu hpe anhtē kăta hta asak hkrung na ahkang jaw ra nga ai -Gal.2:20.
- B. Anhtē gaw tinang a hkum shan hku nna (snr) anhtē a rudi măbyin hku nna asak nmai hkrung sai. De mālai anhtē a ningnan shăngai hkrum ai wēnyi, Hkristu hte lăking mătut da ai wēnyi hta asak hkrung ra ai -Rom.8:4.
- C. Ndai lăking mătut ai lam a mărang ē anhtē gaw Mădu hte gum hpawn lu ga ai rai nna, Mădu hte găyau gum hpawn let, Hkristu a Hkumhkrang byin wa na mătu Mădu hte gum hpawn shang lawm nga ga ai -12:4-5.

VI. Lăking mătut hkrum ai asak hkrung lam gaw găli gălai ai asak nre sha, shinggyim asak hte Kărai asak kăyau gum hpawn ai lam rai nga ai- Gal.21:20.

- A. Găli gălai gălaw ai asak a hkam la ai lam gaw anhtē a shinggyim asak hpe Mădu Kărai hfang de ap ya nna, Mădu gaw dai hpe shi a Kărai asak hte mālai bang ai lam rai nga ai.
- B. Hkristan asak hkrung lam gaw găli gălai gălaw ai asak hkrung lam nre sha, lăking mătut hkrum ai asak hkrung lam – shinggyim asak hte Kărai asak a găyau gum hpawn ai asak hkrung lam rai nga ai – Rom.6:3-5, Yhn.15:1, 4-5.
 1. Dai shăra hta asak ni hpe găli gălai gălaw ai lam (snr) hpăga yumga gălaw ai lam n-nga ai.
 2. Găli gălai gălaw na mālai Kărai asak hpe shinggyim asak kăta de kăran kăchyan ai lam, jăhpring ya ai lam, Kărai asak hte shinggyim asak găyau gumhpawn ai lam sha nga ai.
- C. Hkristan hkrum kădup hkam sha ai lam hta mau hpa rai nga ai tengman ai lam gaw Hkristu hta kamsham ai ni gaw asak a măhkrum hta Hkristu hte arau gum hpawn mătut măhakai ai lam rai nga ai – 1Ko.6:17.
 1. Hkristu byin ai lam ni yawng hte Mădu gălaw ai lam ni yawng gaw lăngai sha rai nga ai – dai gaw Mădu hte anhtē gaw sak hkrung ai gum hpawn ai lam nga nna, lăking mătut da ai asak hkrung lam hpe asak hkrung lu ga ai -Yhn.15:4-5.
 2. Mădu a Bai lu la ai lam hta Mădu Kărai gaw lăking mătut hkrum ai asak hkrung lam ngu ai -shingdu dat da hkrum ai lam hpe bai lu la nga ai.

VII. Lăking mătut hkrum ai shinggyim asak hpe yeng seng kau ai nre sha, Kărai asak a mărang ē atsam jăhpring ya ai lam, shătsaw ya ai lam hte jăsut jăsu ya ai hkrum ai- Rom.11:17-24.

- A. Lăking mătut hkrum ai asak hkrung lam hta lăkung lăking gaw dai hte bung nna n-nga n-mai ra gădawn ai laklai kumla ni hpe hkang zing da ding yang raitim, de a asak gaw grau nna kăja ai asak kăta de lăking mătut ai a mărang ē shătsaw hkrum nna hkrang nsam gălai shai mat ai.
 1. Grau nna tsaw ai asak gaw grit nyem ai asak hpe dang mă-nga kă-up wu ai.
 2. Grau nna tsaw ai asak gaw grit nyem ai asak hpe sut su shăngun nna, shătsaw let hkrang nsam gălai shai ya ai.

- B. Lăking mătut hkrum ai asak hta Kărai asak gaw anhtē a kăta hta bungli gălaw ya nna, nkăja ai dat măbyin ni hpe shăpraw kau ya ai. -2Ko.3:18.
1. Kărai asak gaw rudi hte seng ai yawng hpe shaw shăpraw na mătu gau ngwi lădat hte gălaw gunhpai nga ai.
 2. Anhtē a rudi myit hta na nkăja ai kumla hte seng ai dat măbyin măsa hpe si shăngun ngut ai h pang anhtē a rudi myit hpe shaw kau ya na mălai Mădu Kărai gaw dai hpe shătsaw ya nna, jai lang ya ai.
- C. Lăking mătut hkrum ai asak hkrung lam hta Kărai a asak gaw Kărai Kăsang a shawng na hpan da ai lam hpe bai hkrung rawt shăngun ai. Yhn.11:25.
1. Mădu a hpan da ai lam hpe kăbai kau na mălai Kărai Kăsang gaw dai hpe bai lu la wu ai.
 2. Kărai Kăsang gaw anhtē a măbyin hkrang nsam yawng hpe hkrung rawt shăngun na mătu yaw shăda da wu ai- Ehp.3:11.
 - a. Kărai Kăsang gaw nkăja kumla ni hpe shaw kau ya nga ai hte rau, dai gaw Kărai Kăsang a mădung npawt hpan da ai lam hpe bai hkrung rawt shăngun na mătu bungli gălaw nga ai.
 - b. Ndai lădat hku nna anhtē a mădung bungli gălaw ai lam ni rai nga ai – hpan da ai lam hta anhtē hpe ap ya da hkrum ai bungli gălaw ai lam ni- hpe bai lu la let, n-gun atsam ngang kang wa nna sut su ai lam nga wa ai -Gal.2:20.
- D. Lăking mătut hkrum ai asak hkrung lam hta Kărai asak gaw anhtē a măbyin kăta daw ni de Hkristu a sut su ai lam ni hpe mădi shădaw ya ai. -Rom.12:2.
1. Anhtē a hkrung rawt nna, shătsaw hkrum ai tsam mărai gaw Hkristu a sut su ai lam ni hte mădi shădaw hkrum nga ai.
 2. Dai zawn re ai mădi shădaw ya ai a mărang ē anhtē nyan, hkam sha ai lam hte ra shărawng ai lam ni hta ningnan gram hkrum ga ai.
- E. Lăking mătut hkrum ai asak hkrung lam hta Kărai asak gaw anhtē a măbyin yawng hpe hpring tsup chyam bra shăngun ya ai. -8:29-30.
1. Hkristu a sut su ai lam ni gaw anhtē hpe byawng shang hpring tsup shăngun nhtawm, anhtē hpe hkrang nsam gălai shai ya ai -12:2, 2Ko.3:18.
 2. Ndai Kărai asak a byawng shang hpring tsup ai a mărang ē anhtē gaw Hkristu a hkrang nsam de hkrang bung wa ga ai -Rom.8:29.